

Källa: Språkrådet

Du vuoigatvuohta geavahit unnitlogugiela

Gullot go soames dain nášuvnnalaš unnitloguide dus lea vuoigatvuohta geavahit iežat giela oktavuodaiguin eiseválddiiguin. Dás oaččut diehtit makkár gielalaš vuoigatvuođa dus leat ja makkár gáibádusaid sáhtát bidjat iežat gildii ja iežá eiseválddiide.

Ođđajagimánu 1b. 2010 bođii ođđa láhka nášuvnnalaš unnitloguid unnitlogugielaid birra. Nášuvnnalaš unnitlohkui gullot judalaččat, romat, sámít, ruottelašsuopmelaččat ja durdnosleagilaččat. Nášuvnnalaš unnitlogugielat leat jiddisch, románagiella (romani chib), sámigiella, suomagiella ja meänkieli.

Visot nášuvnnalaš unnitlogugielat galget suodjaluvvot ja ovddiduvvot

Lága jalgii nášuvnnalaš unnitlogugielat galget suodjaluvvot ja ovddiduvvot. Dat guhte gullo ovttá unnitlohkui galgá leat vuoigatvuohta oahppat, ovddidit ja geavahit iežaset unnitlogugiela. Eiseválddit galget guldalit nášuvnnalaš unnitloguide ja vuhtii váldit sin dárbbuid.

Eiseválddiin lea geatnegasvuohta diedihit dutnje iežat vuoigatvuođaid birra, beroškeahhtá makkár nášuvnnalaš unnitlogugiela don ságastat ja gos Ruotas orut.

Erenoamáš nanu vuoigatvuođat suomagillii, meänkillii ja sámigillii

Erenoamáš nanu vuoigatvuođat lea das guhte ságasta suomagiela, meänkiela dahje sámigiela ja orrut gielddas hálddahušguovllus. Vuolimus siiddus oainnat jus du giela lea mielde hálddahušguovllus.

Don guhte orut gielddas hálddahušguovllus lea vuoigatvuohta gulahallat eiseválddiiguin iežaset gielain. Galggat oazžut vástádusa njálmálaččat ja čálalaččat seammá gielas.

Sáhtát gáibidit oazžut máná- ja boarrásiiddivššu ollásit dahje oassái suomagillii, meänkillii dahje sámigillii.

Jus orut Gironis, Jielleváris, Árjepluovves, Jáhkámáhkes, Haparánddas, Bájilis dahje Övertorneås dus lea vuoigatvuohta geavahit unnitlogugiela oktavuodain duopmostuoluin.

Don guhte orut gielddas mii ii gullo hálddahušguvlui galggat maid sáhttit váldit oktavuoda eiseválddiiguin ja oazžut boarrásiiddivššu suomagillii, meänkillii dahje sámigillii, jus gávdno bargi gii máhtta giela. Eiseválddit galget bearráigeahččat ahte gávdno bargit geat máhtte giela dalle go lea dárbu.

Beroškeahhtá gos orut galggat máhttit čállit suomagillii, meänkillii ja sámigillii Riikabeaivvi áittardeddjide, Justítiekanslerii, Dáhkádusgássái, Vearrodoaimmahakkii ja Vealahanáittardeaddjái.

Dáin sajiin oaččut veahki

Jus du giela dahje iežá eiseválddit eai ceavzze lága du mielas de sáhtát váldit oktavuoda Leanstivrrain Stockholmma leanas dahje Sámedikkiin mat galget bearráigeahččat ahte láhka čuovvuluvvo. Sámedikkis lea ovddasvástádus sámigielas ja Leanadiggi Stockholmas lea ovddasvástádus iežá gielain.

Ossodat unnitloguáššide Leanadikkis Stockholma leanas

Tfn 08-785 40 00

Sámediggi

Tfn 0980-780 30